

ხელშეკრულება სახელმწიფო შესყიდვის შესახებ #56

(CPV კოდი 60170000-სამგზავრო სატრანსპორტო საშუალებების დაქირავება მძღოლთან ერთად)

ქ. თბილისი

22 ივნისი, 2017 წელი

ერთის მხრივ, სსიპ „საქართველოს მეცნიერებათა ეროვნული აკადემია“ (შემდგომში-შემსყიდველი) წარმოდგენილი მისი პრეზიდენტის გიორგი კვესიტაძის სახით და მეორეს მხრივ, ი/მ „მერაბ გოგუაძე“ (შემდგომში-მიმწოდებელი) წარმოდგენილი მერაბ გოგუაძის სახით, ორივე ერთად წოდებული, როგორც „მხარეები“, ვმოქმედებთ, რა საქართველოს კანონმდებლობის შესაბამისად, ვდებთ წინამდებარე ხელშეკრულებას „სახელმწიფო შესყიდვების შესახებ“ საქართველოს კანონის მე-3 მუხლის I ნაწილის „ს“ ქვეპუნქტის თანახმად, გამარტივებული შესყიდვის საშუალებით შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი ორგანიზაცია“ (შემდგომ შემსყიდველი) – ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.4. „მიმწოდებელი“ – ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ.
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. წინამდებარე ხელშეკრულების პირობების თანახმად, მიმწოდებელი უზრუნველყოფს საქართველოს მეცნიერებათა ეროვნული აკადემიის წევრების გადაადგილებას მთელი დღით, თბილისის ტერიტორიაზე 8 ადგილიანი კომფორტული და უსაფრთხო სამგზავრო სატრანსპორტო საშუალებით, მინივენით.
- 2.2. შესყიდვის ობიექტის სრული დასახელება, რაოდენობა და საერთო ღირებულება მითითებულია 22/06/17 წ. #059/2017 ინვოისში (დანართი 1), რომელიც ამ ხელშეკრულების განუყოფელი ნაწილია.

3. შესყიდვის ობიექტი

- 3.1. შესყიდვის ობიექტი - სამგზავრო სატრანსპორტო საშუალებების დაქირავება მძღოლთან ერთად.

4. შესყიდვის ობიექტის მიწოდების ვადები და ადგილი

- 4.1. შესყიდვის ობიექტის მიწოდების ვადა - 2017 წლის 30 ივნისი პარასკევი, 9:30 საათიდან 23:00 საათამდე.
- 4.2. შესყიდვის ობიექტის მიწოდების ადგილი - ქ. თბილისის ტერიტორია

5. ხელშეკრულების საერთო ღირებულება

- 5.1. ხელშეკრულების საერთო ღირებულება შეადგენს 150 (ასორმოცდაათი) ლარი.

5.2. ხელშეკრულების საერთო ღირებულება შეიცავს საქართველოს კანონმდებლობით გათვალისწინებულ შესყიდვის ობიექტის მიწოდებასთან დაკავშირებულ ყველა ხარჯს და გადასახადს.

6. შესყიდვის ობიექტის ხარისხი

6.1. მიმწოდებელი იღებს ვალდებულებას, რომ მის მიერ გაწეული მომსახურების ხარისხი უპასუხებს წინამდებარე ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

7. მიღება-ჩაბარების წესი

7.1. შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

7.2. შესყიდვის ობიექტი მიწოდებულად ჩაითვლება მხოლოდ მიღება-ჩაბარების აქტის გაფორმების შემდგომ.

8. ანგარიშსწორების ფორმა, გრაფიკი და ვადები

8.1. ანაზღაურება მიმწოდებელთან განხორციელდება უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე;

8.2. 5.1. პუნქტში მითითებული თანხის გადახდას შემსყიდველი განხორციელებს მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღისა.

8.3. დაფინანსების წყარო - სსიპ „საქართველოს მეცნიერებათა ეროვნული აკადემიის“ 2017 წლის სახელმწიფო ბიუჯეტი.

9. მხარეთა უფლება-მოვალეობანი

9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით;

9.2. შემსყიდველი ვალდებულია:

9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

9.2.2. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული მომსახურების ღირებულება;

9.2.3. დაუყონებლივ აცნობოს მიმწოდებელს შესყიდვის ობიექტზე რაიმე წუნის აღმოჩენის შესახებ.

9.3. შემსყიდველს უფლება აქვს:

9.3.1. შესყიდვის ობიექტის მიწოდების დასრულებამდე ნებისმიერ დროს მოითხოვოს მიმწოდებლისაგან მისთვის საჭირო ინფორმაცია;

9.3.2. ნებისმიერ დროს მოითხოვოს და გაეცნოს მიმწოდებლის მიერ იმ ეტაპისთვის შესრულებულ მომსახურებას;

9.3.3. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

9.3.4. შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

9.4. მიმწოდებელი ვალდებულია:

9.4.1. დროულად, ხარისხიანად და კეთილსინდისიერად შეასრულოს ხელშეკრულებით ნაკისრი ვალდებულებები;

9.4.2. დაიცვას ხელშეკრულებით გათვალისწინებული ყველა პირობა;

9.4.3. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

9.4.4. შესყიდვის ობიექტზე შემსყიდველის მიერ რაიმე წუნის ან ნაკლის აღმოჩენის შემთხვევაში, შეტყობინების მიღებისთანავე, განახორციელოს დროულად მისი გამოსწორება, შემსყიდველის მხრიდან რაიმე დამატებითი დანახარჯების გაწევის გარეშე.

9.5. მიმწოდებელს უფლება აქვს:

9.5.1. მოსთხოვოს შემსყიდველს ამ ხელშეკრულებით ნაკისრი ვალდებულების შესრულებისათვის ანაზღაურება ხელშეკრულებით გათვალისწინებული პირობებით.

9.6. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

9.7. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

9.8. მიმწოდებელი არ აგებს პასუხს შემსყიდველის მიერ მესამე პირის მიმართ ნაკისრ ვალდებულებებზე.

10. ხელშეკრულების შესრულების კონტროლი

10.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს კონტროლი (ინსპექტირება), რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის-მოსმითხონებთან.

10.2. შესყიდვის ობიექტზე გამოვლენილი წუნის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესის შესაბამისად.

11. გარანტია

11.1. მიმწოდებელი იძლევა გარანტიას, რომ მის მიერ მიწოდებული შესყიდვის ობიექტი არ გამოავლენს ნაკლს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ყველა წუნის და ნაკლის გამოსწორება.

12. ხელშეკრულებაში ცვლილებების შეტანა და ხელშეკრულების შეწყვეტა

12.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

12.3. ხელშეკრულება შეწყდება საქართველოს კანონმდებლობით გათვალისწინებული პირობების არსებობისას;

12.4. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

12.5. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს წერილობით, გადაწყვეტილების ძალაში შესვლამდე მინიმუმ 3 (სამი) დღით ადრე;

12.6. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.7. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

12.8. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობებით გათვალისწინებულ სხვა შემთხვევებში.

12.9. ხელშეკრულების შეწყვეტა შესაძლებელია მხარეთა შეთანხმებით ნებისმიერ დროს მისი მოქმედების განმავლობაში.

13. ფორს-მაჟორი

13.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

13.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

14. მხარეთა პასუხისმგებლობა

14.1. წინამდებარე ხელშეკრულებით ნაკისრი ვალდებულებების მიმწოდებლის მიერ ნაწილობრივ ან საერთოდ არ შესრულების შემთხვევაში მას ეკისრება პირგასამტეხელოს გადახდა ხელშეკრულების ღირებულების 5%-ის ოდენობით, რის შემდეგადაც შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შეწყვეტის მომენტისთვის გადასახდელი პირგასამტეხელოს ანაზღაურება და არ აუნაზღაუროს მიმწოდებელს შეუსრულებელი მომსახურების ღირებულება.

14.2. მიმწოდებელი ვალდებულია დაფაროს პირგასამტეხელო შემსყიდველის წერილობითი მოთხოვნიდან არაუგვიანეს 10 (ათი) დღის ვადაში.

14.3. პირგასამტეხელოს გადახდა არ ათავისუფლებს მხარეს ძირითადი ვალდებულებების შესრულებისაგან.

15. დავები და მათი გადაწყვეტის წესი

15.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

16. ხელშეკრულების მოქმედების ვადა

16.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 10 აგვისტოს ჩათვლით.

17. ზოგადი დებულებები

17.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

17.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

17.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

17.4 ხელშეკრულება შედგენილია ქართულ ენაზე, 3 (სამი) თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

17.5. მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით;

18. მხარეთა რეკვიზიტები და ხელმოწერები

შემსყიდველი:

სსიპ „საქართველოს მეცნიერებათა
ეროვნული აკადემია“

მის: ქ. თბილისი, რუსთაველის გამზ. #52

ტელ.: 2997372; 2990052

საიდენტიფიკაციო კოდი: 203851536

სახელმწიფო ხაზინა

სახაზინო კოდი TRESGE22

ანგარიშის #200122900

მიმწოდებელი:

ი/მ „მერაბ გოგუაძე“

მისამართი: ქ. თბილისი,
მუხიანის დასახლება მე-2 მ/რ 5კ.

ტელ/ფაქსი: 599549975

ს/კ #01003001295

ს/ს „საქართველოს ბანკი“

ბანკის კოდი: BAGAGE22

ა/ა #GE65BG0000000707234400


გიორგი კვესიტაძე


მერაბ გოგუაძე

პროექტი მოამზადა:

ეკონომიკური სამმართველოს შესყიდვების კოორდინატორი: ა. ჟინი /ლამარა ჟვანია/

შეთანხმებულია:

ეკონომიკური სამმართველოს უფროსის მოადგილე: მ. გუგუშვილი /ქეთევან გაზაშვილი/

ეკონომიკური სამმართველოს უფროსი: გ. ჯიქია /გურამ ქარდავა/

იურიდიული სამსახურის უფროსი: ნ. ბერიძე /ნინო კაკუბავა/

სამეურნეო სამსახურის უფროსი: ი. ჯაფარიძე /ილია კვეზერელი/

ადმინისტრაციული აპარატის უფროსი: ფ. ჯიქია /ფელიქს კალანდარიშვილი/

ი/მ "მერაბ გოგუაძე"

საქართველო, თბილისი, მუხიანის დასახლება

მე-2 მიკრ.რ-ნი, კორპ.-5, ბინა №178

ტელეფონი: 2 64 35 90

საიდენტიფიკაციო კოდი 01003001295

ბანკი: სს "საქართველოს ბანკი", ცენტრალური ფილიალი

ბანკის კოდი BAGAGE 22 GE 65 BG 0000000707234400

დამკვეთი:

საქართველოს მეცნიერებათა ეროვნული აკადემია

საქართველო, თბილისი, რუსთაველის გამზ. № 52

ინვოისი № 059 /2017

თარიღი: 22.06.2017

დანიშნულება: სატრანსპორტო მომსახურება მინივენით

თარიღი	მარშრუტი (მომსახურების სახეობა)	სატრანსპორტო საშუალება	რაოდ-ბა	ერთეულის ფასი	სულ ღირ-ბა
06/30/2017	ქალაქ თბილისში მომსახურება	მინივენი	1	150.00	150.00
სულ მომსახურების ღირებულება					150.00

ხელმოწერა:

ბ.ა.



მ. გოგუაძე